

NAN NINNIN EO

- **On:** Dren in ittum, laptata dren en ej toor imaantata me ekka ad ba dren waan, elukun aurok bwe obrak kin on nan kejbarok ninnin eo jen infection im joreen ko jet, im ej jiban kakwoon im kaddreklok kobban lojeen ninnin eo nejum.
- **Mona:** Epidodolok an ninnin eo mona dren in ittut jen milik bouta.
- **Bobrae** an ninnin eo bok naninmej ko rokalo, einwot:
 - o Orlok
 - o Jet kanjer ko
 - o Lap an eddro/kilep jen baun en emman nan ajiri
 - o Jorraan ak kinejnef loan lojilnin
 - o Make kiki im jako, mokta jen an tobar juon an iio, ilo ejjelok un ak melele
 - o Tonal



NAN JINEN

- **Okmanaan eo an mama nan ninnin eo nejin:** okmanaan eo an jinen ninnin enaj komman bwe ninnin eo en enjaake iakwe eo an jinen im jokne.
- **Ejmour:** Kaninnin ninnin eo ej jiban jinen bobrae naninmej in tonal, kanjer ilo ittut, im kanjer ilo jikin ninnin eo.
- **Kejbarok ien:** Kwojjab aikuj jolok ien nan karreoik bato ak boran ninnin ko, iiook milik bouta, im komaanan bato.
- **Kejbarok jaan:** Wonen kobebein kaninnin ilo bato elaplok jen \$1500 aolep iio.

NAN JUKJUK IN BED EO

- **Kejbarok jaan:** Ninnin ko rej ninnin ibben jineer ejeja aer naninmej im edrik aer naj jolok jaan nan takto.
- **Emenin jiban nan melan ko:** Ilo an ninnin ko ninnin ibben jineer, ekomman bwe en jab lap lok an wor kopej im en jab obrak jikin kopej ko kin bato im nien bouta in milik ko.

